

dones & Illyrici, qui versus Occidentem suarum rerum domicilia habebant, Constantini opera, qui illi Imperii Romani parti praefuit, liberè & animo securo Deum coluerunt. Id certo certius ex hoc confirmatur, quod Occidentalis Ecclesia, ut jam dixi ex Socrate, ab Ecclesia quæ erat in Oriente, divisa fuerit, monte inter Illyricum & Thraciam interjecto, qui Tifucis dicebatur. Hincque

^a Idem lib. 3. c.

10. Ἐπὶ τούτοις καθεύδον καὶ Πρωτογένην τὸν Σαρδικῆς ἐπίσκοπον καὶ Γαυδέντιον, τὸν μετὰ εἰς Μαρκελλὰς ὑπερμάρχον τα πρότερον αὐτῶ μεταψυχισμένον.

^b Idem eodem

lib. cap. 9. Καὶ αἰροῦνται ἐπὶ τῷ

τρεῖς, Νάρκισσος δὲ

Εἰρηνοπόλεως τῆς

Κιλικίας ἐπίσκο-

πος, καὶ Θεόδωρος

δὲ Ἡρακλίας, τῆς

Θράκης, καὶ Μάρ-

κὸς δὲ Ἀρεθαύσης,

τῆς Συρίας.

^c Leo Mag. ep.

84.

^d Nicol. 1. epist.

2. ad Michael-

lem Imp.

^e Diatypos.

Constant. Patr.

apud Leuncla-

vi. lib. 2.

^f Novella 11.

Just.

^g Novella 13.

c. 3.

factum est, ut Sozomenus ^a Protogenem tunc Sardicæ Episcopum inter Episcopos Occidentales enumeret, ^b Theodorum verò Heracleæ in Thracia eodem tempore Episcopum inter Orientales. Eademque ratio fuit, propter quam legitimum Concilium Sardicense, quod Sardicæ in Dacia celebratum est, Occidentale semper habitum sit; & aliud eodem tempore apud Philopolim in Thracia ab Arrianis congregatum, Orientale. Quòd item sub Patriarcha Romano diu & sequentibus sæculis permanserint, certissimè probatur ex ejus Vicariis Theffalonicensibus, qui totius Illyrici Ecclesias sub ejus

authoritate direxerunt. Unus ex his fuit Anastasius Theffalonicensis, ad quem hæc scribit Leo ^c magnus: Sicut præcessores mei præcessoribus tuis, ita

etiam ego dilectioni tuæ priorum sequutus exemplum, vices mei moderaminis delegavi:

ut curam, quam universis Ecclesiis principaliter ex divina institutione debemus, imi-

tator nostræ mansuetudinis effectus, adjuvares: & longinquis ab Apostolica sede pro-

vinciis præsentiam quodammodo nostræ vilitationis impenderes. Unde Nicolaus ^d pri-

mus rogans Michaëlem Imperatorem, ut has provincias Romano Pontifici

ab Iconomachis ademptas restitui curaret, hæc scribebat: Oportet vestrum Im-

periale decus (quod in omnibus Ecclesiasticis utilitatibus vigere audivimus) ut antiquum

morem, quem nostra Ecclesia habuit, vestris temporibus restaurare dignemini: qua-

tenus vicem, quam nostra sedes per Episcopos vestris in partibus constitutos habuit,

videlicet Theffalonicensem, qui Romanæ sedis vicem per Epirum veterem Epirumque

novam atque Illyricum, Macedoniam, Theßaliam, Achaiam, Daciam Ripensem Da-

ciamque Mediterraneam, Mysiam, Dardaniam & Prevalim, Beato Petro Apostolo-

rum principi contradicere nullus presumat. Sed has nonne declarat à Romana

diœcesi avulsas Diatyposis ^e Patriarchatus Constantinopolitani, vulgò Leoni

Imperatori tributa, cujus verba sunt: Avulsi à diœcesi Romana, jamque throno

Constantinopolitano subiecti Metropolitanus Theßalonicensis, Corinthius, Nicopolita-

nus, Atheniensis, Patrensis. At ne hanc avulsionem ante Justiniani tempora

factam esse quis existimet, audiamus eum in Novellis ^f privilegia Archie-

piscopalia Episcopo Achridæ sive Justinianæ primæ à Vigilio data confirman-

tem. Primæ Justinianæ, inquit, patriæ nostræ, pro tempore sacrosanctus Antistes,

non solum Metropolitanus, sed etiam Archiepiscopus fiat: & certè provincia sub

ejus sint authoritate, id est, tam ipsa Mediterranea Dacia, quam Dacia Ripensis,

necnon Mysia secunda, Dardania & Prevalitana provincia, & secunda Macedonia,

& pars secunda etiam Pannoniæ, quæ in Bacensi est civitate. Ut autem se talem

illi dignitatem obtinuisse à Romano Patriarcha, cujus Vicarius erat, non

autem à Constantinopolitano, indicaret, hæc ^g subdit in alia Novella: Ipsum

verò Archiepiscopum (scilicet Justinianæ primæ) à proprio ordinari Concilio, &

in subiectis sibi provinciis locum obtinere sedis Apostolicæ Romæ, secundum ea quæ de-

finita sunt à sancto Vigilio. Verba ita clara sunt, ut plura his addere super-

fluum sit, planeque fatendum videatur has omnes Illyrici provincias, cum

aliis Occidentalibus, ad Romanum Patriarcham spectasse usque ad Impera-

tozem Justinianum, imò usque ad Iconomachorum tempora, qui eas Con-

stantinopolitano subjecerunt. Sed ut harum notitia uno intuitu perspicui queat,

accipe & illas, & singulas illarum sedes Exarchicas, seu Primatiales, & Me-

tropolitanas.